



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessio Fidei Exhibita Invictiss. Imp. Carolo V. Caesari
Avg. in Comicijs Augustæ. Anno M. D. XXX.**

Melanchthon, Philipp

Augsburg, 1535

VD16 C 4710

De Poenitentia.

urn:nbn:de:hbz:466:1-34184

dote inter Pastores, & fratres, qui tunc minime erant fratres, cum de regno confessionum belligerabatur. Nos igitur sentimus enumerationem peccatorum non esse necessariam Iure diuino, Idq[ue] placet Panormitano, & plerisq[ue] alijs eruditis Iuris consultis. Nec uolumus imponere necessitatem conscientijs nostrorum per constitutionem illam, Omnis utriusq[ue], de qua perinde iudicamus, ut de alijs traditionibus humanis, de quibus sentimus, q[uod] nō sint cul-
tus ad iustificationem necessarij. Et hæc constitutio rem impossibilem præcipit, ut omnia peccata confiteamur. Constat autem plurima nos nec meminisse, nec intelligere, iuxta illud. Delicta quis intelligit?

Si sint boni Pastores, scient quatenus proficit examinare rudes, sed illam carnificinam Summistarum confirmare non uolumus, quæ tamen minus fuisset intollerabilis, si uerbum unum ad didissent, de fide consolante, & erigente conscientias. Nūc de hac fide consequente remissionem peccatorum, nulla est syllaba, in tāta mole constitutionum, glosarum, Summarum, Confessionaliū, Nusquam ibi Christus legitur, Tantum leguntur supputationes peccatorum. Et maxima pars consumitur in peccatis, contra traditiones humanas, quæ est uanissima. Hæc doctrina adegit multas pias mentes ad desperationem, quæ non potuerunt acquiesce re, quia sentiebant Iure diuino necessariam esse enumerationem, & tamen experiebantur impossibilem esse. Sed hærent alia non minora uitia in doctrina aduersiorum de poenitentia, quæ iam recensebimus.

DE POENITENTIA.

IN articulo duodecimo probant primam partem, qua exponimus, Lapsis post Baptismum contingere posse remissionem peccatorum, quocunq[ue] tempore, & quotiescunq[ue] conuertuntur. Secundam partem damnant, in qua poenitentiæ partes dicimus.

R. 3.

DE POENITENTIA.

esse contritionem & fidem. Negant fidem esse alteram partē pōēnitentiae. Quid hīc Carole Cæsar inuictissime faciamus? Hēc est propria uox Euangelij, q̄ fide consequamur remissionem peccatorum. Hanc uocem Euangelij damnant isti scriptores confutationis. Nos igitur nullo modo assentiri confutationi possumus. Non possumus saluberrimam uocem Euangelij, & plenam consolationis damnare. Quid est aliud negare, q̄ fide consequamur remissionem peccatorum, quam contumelia afficere sanguinem & mortem Christi? Rogamus igitur te Carole Cæsar Inuictissi, ut nos de hac re maxima, quæ præcipuum Euangelij locum, quæ ueram Christi cognitionem, quæ uerum cultum Dei continet, pacienter ac diligenter audias & cognoscas. Comperient enim omnes boni uiri, nos in hac re præcipue docuisse uera, pia, salubria, & necessaria uniuersæ Ecclesiæ Christi. Comperient ex scriptis nostrorum plurimum lucis accessisse Euangelio, & multos perniciosos errores emendatos esse, quibus antea obruta fuit doctrina de poenitentia, per Scholasticorum & Canonistarum opiniones.

Ac priusquam accedimus ad defensionem nostræ sententiae, hoc præfandum est. Omnes boni uiri, omnium ordinum ac Theologici ordinis etiam, haud dubie fatentur, ante Lutheri scripta, cōfusissimam fuisse doctrinam poenitentiae. Extant libri Sententiariorum, ubi sunt infinitæ questiones, quas nulli Theologi unquam satis explicare potuerunt. Populus neq; rei summam complecti potuit, nec uidere quæ præcipue requireretur in poenitentia, ubi querenda esset pax conscientiae. Prodeat nobis aliquis ex aduersarijs, qui dicat, quando fiat remissio peccatorum. Bone Deus, quantum tenebrae sunt. Dubitant, utrum in attritione, uel in contritione fiat remissio peccatorum. Et si fit propter contritionem, quid opus est Absolutione, quid agit potestas clauium, si peccatum iam est remissum? Hic uero multo magis etiam sudant, & potestatem clauium impie extenuant, Alij somniant potestate clauium non

remitti culpam, sed mutari poenas æternas, in temporales. Ita sa-
luberrima potestas, esset ministerium non uitæ, & spiritus, sed tā-
tum iræ, & poenarum. Alij uidelicet cautiōres fingunt potestate
clauium remitti peccata, coram Ecclesia, nō coram Deo. Hic q̄q;
perniciosus error est. Nam si potestas clauium nō consolatur nos
coram Deo, quæ res tandem reddet pacatam conscientiam. Iam
illa sunt magis etiam perplexa. Docent nos contritione mereri
gratiam. Vbi si quis interroget, quare Saul, Iudas, & similes non
consequantur gratiam, qui horribiliter contriti sunt. Hic de fide,
& de Euangelio respondendum erat, q̄ Iudas non crediderit, nō
erexerit se Euangelio & promissione Christi. Fides enim ostēdit
discrimen inter cōtritionem Iudæ & Petri. Verum aduersarij de
lege respondent, q̄ Iudas non dilexerit Deum, sed timuerit poe-
nas. Quando autem territa conscientia, præsertim in serijs, ueris,
& illis magnis terroribus, qui describuntur in Psalmis ac Prophē-
tis, & quos certe degustant isti, qui uere conuertuntur, iudicare
poterit. Vtrum Deū propter se timeat, an fugiat æternas poenas.
Hi magni motus literis & uocabulis discerni possunt, re ipsa nō
ita diuelluntur, ut isti sraues Sophistæ somniāt. Hic appellamus
iudicia omnium bonorum & sapientum virorum, Hi haud du-
bie fatebūtur has disputationes apud aduersarios perplexissimas
& intricatissimas esse. Ettamen agitur de re maxima, de præcis-
pno Euangelij loco, de remissione peccatorum. Tota hæc doctri-
na de his quæstionibus, quas recensuimus, apud aduersarios ple-
na est errorum & hypocrisis, & obscurat beneficium Christi, po-
testatem clauium, & iustitiam fidei.

Hæc sunt in primo actu, Quid cum uētum est ad Confessio-
nem? Quantum ibi negocij est in illa infinita enumeratione pec-
catorū, quæ tñ magna ex parte cōsumitur in traditionib⁹ huma-
nis. Et quo magis crucientur bonæ mētes, fingunt hāc enumera-
tionē esse Iuris diuini. Et cū ipsam enumerationem exigāt, præ-
textu Iuris diuini, interim de absolutione quæ uere est Iuris di-

DE POENITENTIA.

De satisfactione

purgatione

indulgencie

uini frigide loquuntur. Fingūt ipsum sacramentū ex opere operato conferre gratiā sine bono motu utentis, de fide apprehendēte absolutionem, & consolante conscientiā, nulla sit mentio. Hoc uere est quod dici solet ἀπίστως προ τῷ μυστήρῳ Restat tertius actus de satisfactionibus, Hic uero habet confusissimas disputationes. Fingunt æternas poenas, mutari in poenas purgatorijs, Et harum partem remitti potestate clauij, partem docent redimendam esse satisfactionibus. Addunt amplius, q̄ oporteat satisfactiones esse opera supererogationis, & hæc constituunt in stultissimis obseruationibus, uelut in peregrinationibus, Rosarijs, aut similibus obseruationibus, quæ non habent mandata Dei, Deinde, sicut purgatoriū satisfactionibus redimunt, Ita exco-
gitata est ars redimendi satisfactiones, quæ fuit questuosisima. Vendunt enim indulgentias, quas interpretantur esse remissio-
nes satisfactionum. Et hic questus non solum ex uiuis, sed multo
amplior est ex mortuis. Nec solum indulgentijs, sed etiam sacri-
ficio Missæ redimunt satisfactiones mortuorum, deniq̄ infinita-
res est, de satisfactionibus. Inter hæc scandala, nō enim possumus
enumerare omnia, & doctrinas dæmoniorū, facit obruta doctrina
de iustitia fidei in Christum, & de beneficio Christi. Quare in-
telligunt omnes boni uiri, utiliter & pie reprehensam esse doctrinam
Sophistarum & Canonistarum, de poenitentia. Nam hæc
dogmata aperte falsa sunt, & nō solum aliena a scripturis sanctis,
sed etiam ab Ecclesiasticis patribus.

- 1 Quod per bona opera extra gratiam facta mereamur ex pa-
cto diuino gratiam.
- 2 Quod per attritionem mereamur gratiam.
- 3 Quod ad deletionē peccati, sola detestatio criminis sufficiat
- 4 Quod propter contritionem, non fidei in Christum, conse-
quamur remissionem peccatorum.
- 5 Quod potestas clauij ualeat ad remissionem peccatorū,
non coram Deo, sed coram Ecclesia.

6 Quod

VI. Quod potestate clavium non remittantur peccata coram deo , sed q̄ sit instituta potestas clavium , ut mutet pœnas æternas in temporales , ut imponat certas satisfactiones conscientijs , ut instituat nouos cultus , & ad tales satisfactiones & cultus oblitus get conscientias.

VII. Quod enumeratio delictorum in confessione , de qua præcipiunt aduersarij , sit necessaria iure diuino .

VIII. Quod Canonicæ satisfactiones , necessariæ sint ad pœnam purgatoriū redimendam , aut profint tanquam compensatio ad tollendam culpam . Sic enim imperiti intelligunt .

IX. Quod susceptio sacramenti pœnitentiae , ex opere operato , sine bono motu utentis , hoc est , sine fide in Christum , confusat gratiam .

X. Quod potestate clavium per indulgentias liberentur animæ ex purgatorio .

XI. Quod in reservatione casuum , non solum pœna Canonica sed etiam culpa reseruari debeat in eo , qui uere conuertitur .

Nos igitur ut explicaremus pias conscientias ex his Labyrinthis Sophistarum , constituimus duas partes pœnitentiae , uidelicet contritionē & fidem . Si quis uolet addere tertiam , uidelicet , dignos fructus pœnitentiae , hoc est , bona opera sequentia conuer sionem , non refragabimur . Necq; ignoramus quod uocabulum pœnitentiae Grammaticis significet , improbare id quod antea probabamus . Id magis quadrat ad cōtritionem , q̄ ad fidem . Sed nos hic docendi causa , pœnitentiam totam conuersionem intelligimus , in qua duo sunt termini , mortificatio & uiuificatio . Nos uocamus uitatis nominibus contritionem & fidem .

*Uir park⁹ por
nitent⁹ . Contr
itio . et fide⁹*

De contritione præcidimus illas ociosas & infinitas disputationes , quando ex dilectione dei , quando ex timore pœnæ doleamus . Sed dicimus contritionem esse ueros terrores conscientiae , quæ deum sentit irasci peccato & dolet se peccasse . Et hæc contrito ita sit , quando uerbo dei arguuntur peccata , quia hæc est summa

S

Summa euangeli

In xy ultimo

Psal. 37.

Psal. 6.

Psal. 38.

ma prædicationis euangeli, Arguere peccata, & offerre remissio
nem peccatorum, & iustitiam propter Christum, & spiritum san
ctum, & uitam æternam, & ut renati benefaciamus. Sic comple
titur summam euangeli Christus, cum ait Lucæ ultimo, Prædi
cari in nomine meo pœnitentiam et remissionem peccatorum in
ter omnes gentes. Et de his terroribus loquitur scriptura, ut Psal.
37. Quoniam iniquitates meæ supergressæ sunt caput meum, Si
cuit onus graue, grauatae sunt super me &c. Afflictus sum & hu
miliatus sum nimis, Rugiebā a gemitu cordis mei. Et Psal. 6. Mi
serere mei domine, quoniā infirmus sum, Sana me domine, quo
niā conturbata sunt ossa mea, Et anima mea turbata est ualde,
et tu domine usq; quo? Et Esa. 38. Ego dixi in dimidio dierū meo
rum uadā ad portas inferi, Sperabam usq; ad mane. Quasi leo
sic contriuit omnia ossa mea. In his terroribus sentit conscientia
irā dei aduersus peccatū, quæ est ignota securis hominibus secun
dum carnem ambulantibus. Videt peccati turpitudinem, & serio
dolet se peccasse, etiam fugit interim horribilem iram dei, quia nō
potest eam sustinere humana natura, nisi sustentetur uerbo dei.
Ita Paulus ait, Per legem legi mortuus sum. Lex enim tantum ac
cusat & terret conscientias. In his terroribus aduersarij nostri ni
hil de fide dicunt, Ita tantum proponunt uerbum, quod arguit
peccata. Quod cum solum traditur, doctrina legis est, non euāge
lij. His doloribus ac terroribus dicunt homines mereri gratiam, si
tamen diligunt deum. At quomodo diligent deum homines in
ueris terroribus, cum sentiūt horribilem & inexplicabilem huma
na uoce iram dei? Quid aliud nisi desperationem docent, qui in
his terroribus tantum ostendunt legem?

Nos igitur addimus alteram partem pœnitentiæ de fide in
Christū, quod in his terroribus debeat conscientijs proponi euan
gelium de Christo, in quo promittitur gratis remissio peccatorū
de Christo. Debent igitur credere, q; propter Christum gratis re
mittuntur ipsis peccata. Hæc fides erigit, sustentat, & uiuificat cō

tritos, iuxta illud, iustificati ex fide pacem habemus. Haec fides consequitur remissionem peccatorum. Haec fides iustificat coram deo, ut idem locus testatur. Iustificati ex fide. Haec fides ostendit discri-
men inter contritionem Iudee & Petri, Saulis & Davidis. Ideo Iudee & Saulis contritio non prodest, quia non accedit ad eam haec fides apprehendens remissionem peccatorum donatam propter Christum. Ideo prodest Davidis aut Petri contritio, quia ad eam fides accedit, apprehendens remissionem peccatorum donata propter Christum. Nec prius dilectio adest, quam sit facta fide reconciliatio. Lex enim non sit sine Christo, iuxta illud, Per Christum habemus accessum ad deum. Et haec fides paulatim crescit, & per omnem uitam luctatur, cum peccato, ut vincat peccatum & mortem. Ceterum fidem sequitur dilectio, ut supra diximus. Et sic clavis definiri potest filialis timor, talis paucor qui cum fide coiunctus est, hoc est, ubi fides consolatur & sustentat pauidum cor. Seru-
lis timor, ubi fides non sustentat pauidum cor.

Porro potestas clavium administrat & exhibet euangelium per absolutionem, quae est uera vox euangeli, ita & absolutionem complectimur, cum de fide dicimus, quia fides est ex auditu, ut ait Paulus. Nam auditu euangeli, audita absolutione, erigitur & concipit consolationem conscientia. Et quia deus uere per uerbum uiuiscitat, claves uere coram deo remittunt peccata, iuxta il-
lud, Qui uos audit, me audit. Quare uocis absoluenter, non secus ac uocis de cœlo sonanti credendum est. Et absolutionis proprietas sacramentum poenitentiae, ut etiam Scholastici theologi eruditiores loquuntur. Interim haec fides in temptationibus multis pliciter alitur per euangeli sententias, & per usum sacramentorum. Haec enim sunt signa Novi testamenti, hoc est, signa remissionis peccatorum. Offerunt igitur remissionem peccatorum, sicut clavis testatur uerba coenæ domini. Hoc est corpus meum quod pro uobis traditur. Hic est calix noui testamenti &c. Ita fides concipiatur & confirmatur per absolutionem, per auditum Euangeli,

absolutionis. 87.

S 2

DE POENITENTIA.

per usum sacramentorum, ne succumbat, dum luctatur cum terroribus peccati & mortis.

Hæc ratio pœnitentiæ plana & perspicua est, & auget dignitatem potestatis clavium, & sacramentorum, & illustrat beneficium Christi, docet nos uti mediatore ac propitiatore Christo.

Sed quia cōfutatio damnat nos, q̄ has duas partes pœnitentiæ posuerimus, ostendendum est, q̄ scriptura in pœnitentia, seu conuersione impij ponat has præcipuas partes. Christus enim inquit, Matth. 11. Venite ad me omnes, qui laboratis & onerati estis, & ego reficiam uos. Hic duo membra sunt, labor & onus significant contritionem, pauores & terrores peccati & mortis. Venire ad Christum, est credere, q̄ propter Christum remittantur peccata, cum credimus, uiuificantur corda spiritu sancto, per uerbum Christi. Sunt igitur hic duæ partes præcipuae, contritio & fides. Et Marci primo Christus ait, Agite pœnitentiam, & credite euangelio. Vbi in priore particula arguit peccata, in posteriore consolatur nos, & ostendit remissionem peccatorum. Nam credere euangelio, non est illa generalis fides, quam habent & diabolus sed propriæ est credere remissionem peccatorum propter Christum donatam. Hæc enim reuelatur in euangelio. Videntis & hic duas partes coniungi, Contritionem, cum arguuntur peccata, Et fidem, cum dicitur credite euangelio. Si quis hic dicat Christum cōplete etiam fructus pœnitentiæ, seu totam nouam uitam, non dissentimus. Nam hoc nobis sufficit, q̄ hæc partes præcipuae nominantur contritio & fides.

Paulus fere ubiq̄ cum describit conuersionem seu renouationem, facit has duas partes, Mortificationem & Viuificationem, ut Coloss. 2. In quo circumcisio estis circumcisione non manu facta, uidelicet expoliatione corporis peccatorum carnis. Et postea, in quo simul resuscitati estis per fidem efficaciam dei. Hic duæ sunt partes, Altera est expoliatio corporis peccatorum, Altera est resuscitatio per fidem. Neq̄ hæc uerba, mortificatio, uiuifica-

ayath. 11.

Venire credere

mori ultimo

Collos. 2.

tio, expoliatio corporis peccatorum, resuscitatio, Platonice intelli-
gi debent de simulata mutatione. Sed mortificatio significat ue-
ros terrores, quales sunt morientium, quos sustinere natura non
posset, nisi erigeretur fide. Ita hic expoliationem corporis pecca-
torum uocat, quā nos dicimus usitate cōtritionē, quia in illis doloris
bus concupiscentia naturalis expurgatur. Et uiuificatio intelligi
debet, non imaginatio Platonica, sed consolatio quae uere susten-
tat fugientem uitam in contritione. Sunt ergo hic duæ partes, cō-
trito & fides. Quia enim conscientia nō potest reddi pacata, nisi
fide. Ideo sola fides uiuificat, iuxta hoc dictum. Iustus ex fide ui-
uet.

Et deinde in Colossensibus inquit Christum delere Chiro-
graphum quod per legem aduersatur nobis. Hic quoq; duæ sunt
partes Chirographum, & deletio Chirographi. Est autē Chiro-
graphum conscientia arguens & condemnans nos. Porro lex est
uerbum quod arguit & cōdemnat peccata. Hæc igitur uox quæ
dicit, Peccavi Domino, sicut David ait, est Chirographum. Et
hanc uocem impij & securi homines nō emittunt serio. Nō enim
uident, non legunt scriptam in corde sententiam legis. In ueris do-
loribus ac terroribus cernitur hæc sententia. Est igitur Chirogra-
phum ipsa contritio, condemnans nos. Delere Chirographum
est tollere hanc sententiam condemnationis ex animo, & senten-
tiam insculpere, qua sentiamus nos liberatos esse, ab illa condem-
natione. Est autem fides, noua illa sententia, quæ abolet priorem
sententiam, & reddit pacem & uitam cordi.

Quanquam quid opus est multa citare testimonia, cū ubiq;
obuiā sint in scripturis. Psalmo. 117. Castigans castigauit me Do-
minus, & morti nō tradidit me, Psalmo. 118. Defecit anima mea
præ angustia, Confirmā me uerbo tuo. Vbi in priore membro cō-
tinetur contritio, in secundo modis clare describitur quomodo
in contritione recreemur, scilicet uerbo Dei quod offert gratiam,
Id sustentat & uiuificat corda. Et. 1. Regum. 2. Dominus mortuus. 1. Regn. 2.

S 3

DE POENITENTIA.

Esaie. 28.

sicat, & uiuiscat, deducit ad inferos, & reducit. Horum altero si-
gnificatur contritio, altero significatur fides. Et Esaie. 28. Domi-
nus irascetur, ut faciat opus suum. Alienum est opus eius, ut ope-
retur opus suum, Alienum opus Dei uocat, cum terret, quia dei
proprium opus est uiuiscare & consolari. Verum ideo terret, in-
quit, ut sit locus consolationi, & uiuiscationi, quia secura corda &
non sentientia iram Dei fastidiunt consolationem. Ad hunc mo-
dum solet scriptura haec duo coniungere, terrores & consola-
tionem, ut doceat haec præcipua membra esse in poenitentia contri-
tionem, & fidem consolantem & iustificantem. Neque uidemus quo
modo natura poenitentiae clarus & simplicius tradi possit. Haec
enim sunt duo præcipua opera Dei in hominibus perterrefacere
& iustificare ac uiuiscare perterrefactos. In haec duo opera distri-
buta est uniuersa scriptura. Altera pars lex est quæ ostendit, ar-
guit & condemnat peccata. Altera pars Euāgelium, hoc est pro-
missio gratiæ in Christo donatae, & haec promissio subinde repe-
titur in tota scriptura, primum tradita Adæ, postea Patriarchis,
deinde a Prophetis illustrata. Postremo prædicata & exhibita a
Christo inter Iudæos, & ab Apostolis sparsa in totum mundum.

Nam fide huius promissionis sancti omnes iustificatis sunt, nō pro-
pter suas attritiones, uel contritiones. Et exempla ostendunt si-
militer has duas partes. Adam obiurgatur post peccatum, & per-
terrefit. Haec fuit contritio. Postea promittit Deus gratiam, dicit
futurum semen, quo destruetur regnum diaboli, mors & pecca-
tum, Ibi offert remissionem peccati. Haec sunt præcipua. Nam
& si postea additur poena, tamen haec poena non meretur remis-
sionem peccati. Et de hoc genere poenarū paulo post dicemus.
Sic Dauid obiurgatur a Nathan & perterrefactus inquit, Pecca-
ui Domino. Ea est contritio. Postea audit absolutionem, Domi-
nus sustulit peccatum tutum, Non morieris. Haec uox erigit Da-
uidem, & fide sustentat, iustificat, & uiuiscat eum. Additur & hic
poena, sed haec poena non meretur remissionem peccatorū, Nec

semper adduntur peculiares poenæ, sed hæc duo semper existere in poenitentia oportet, contritionem & fidem, ut Lucæ. >. Mus
lier peccatrix uenit ad Christum lachrymans. Per has lachrymas agnoscitur contritio. Postea audit absolutionem, Remittuntur tibi peccata, Fides tua salutem te fecit, uade in pace. Hæc est altera pars poenitentiae, fides quæ erigit & consolatur eam. Ex his omnibus apparet p̄ijs lectoribus, nos eas partes poenitentiae posse, quæ proprie sunt in conuersione, seu regeneratione & remissione peccati. Fructus digni & poenæ sequuntur regenerationem & remissionem peccati. Ideoq; has duras partes posuimus, ut magis conspicī fides possit, quam in poenitentia requiri. Et magis intelligi potest, quid sit fides, quam prædicat Euangeliū, cum opponitur contritioni, ac mortificationi.

Et ut totus orbis terrarum uideat, quanta fit infelicitas pie tatis in nostris Criticis, qui confutationem scripserunt, addemus & Bernardi sententiam, qui profluis ad eundem modum coniungit hæc duo membra in poenitentia, contritionem & fidem, sicut nos coniungimus. Verba sunt hæc in sermone tertio de annunciatione. Auditam fac mihi mane misericordiā tuā, quia in te sperauī Domine. Sola nimirum spes apud te miserationis locū obtinet, nec oleū misericordiæ, nisi in uase fiducia ponis. Sed est insidelis fiducia, solius utiq; maledictiis capax, cum uidelicet in spe peccamus. Quanquam nec fiducia illa dicenda sit, sed insensibilitas quædam & dissimulatio perniciosa. Quæ enim fiducia est ei qui periculum non attendit? aut quod ibi timoris remedium, ubi nec timor sentitur, nec materia ipsa timoris? Fiducia solatium est, nec eget ille solatio qui letatur cum male fecerit & in pessimis rebus magis exultat. Rogemus itaque fratres responderi nobis quantas habeamus iniurias & peccata, scelera nostra & delicta nobis desideremus ostendi. Scrutemur vias nostras & studia nostra periculaq; uniuersa uigili intentione pensemus. Dicat quisq; in pauore suo, uadam ad portas inferi, ut iam non nisi in sola

DE POENITENTIA.

Dei misericordia respiremus. Hæc uera hominis fiducia est, a se deficiens, & innitens domino suo. Hæc inquam uera fiducia est, cui misericordia non denegatur, Propheta testante. Bene placitum est domino super timentes eum, & in his qui sperant super misericordia eius. Nec parua utiq; suppetit nobis, in nobis quidem causa timoris, in ipso autem causa fiduciae. Hactenus Bernardus, cuius sententiam propterea etiam non inuiti retulimus, ut uideat lectors, quomodo fidem hic intelligamus de fiducia misericordiae, quæ erigit & consolatur perterrefactos, quam iste recte fiduciam appellat. Et hæc clare conspicitur potest, cum sit Antithesis terrorum & consolationis. Sicut hic Bernardus uult in hominibus existere cognitionem peccatorum, seu contritionem, seu terrores, Et uult accedere fiduciam quæ erigat in contritione.

Sed quia aduersarij nominatim hoc damnant, q; dicitur homines fide consequi remissionem peccatorum, addemus paucas quasdam probationes, ex quibus intelligi poterit, remissionem peccatorum contingere, non ex opere operato propter contritionem, sed fide illa speciali, qua unusquisq; credit sibi propter Christum remitti peccata. Nam hic articulus præcipuus est, de quo diglamur cum aduersarijs, & cuius cognitionem ducimus maxime necessariam esse Christianis omnibus. Cum autem supra de iustificatione, de eadem resatis dictum uideatur, hic breuiores erimus. Sunt enim loci maxime cognati, doctrina pœnitentiae, & doctrina iustificationis.

Aduersarij, cum de fide loquuntur, & dicunt eam præcedere pœnitentiam, intelligunt fidem, non hanc quæ iustificat. Sed quæ in genere credit Deum esse, pœnas propositas esse impijs &c. Nos præter illam fidem, requiri mus, ut credat sibi quisq; propter Christum remitti peccata. De hac fide speciali litigamus, & opponimus eam opinioni, quæ iubet confidere non in promissione Christi, sed in opere operato contritionis, confessionis & satisfactiōnum &c. Hæc fides ita sequitur terrores, ut uincat eos & reddat pacatam

pacatam conscientiam. Huic fidei tribuimus, q̄ iustificet & regeneret, dum ex terroribus liberat, & pacem, gaudium, & nouam uitam in corde parit. Hanc fidem defendimus uere esse necessariam ad remissionem peccatorum, ideo ponimus inter partes poenitentiae seu conuersationis. Nec aliud sentit ecclesia Christi, etiam si aduersarij nostri reclamant.

Principio autem interrogamus aduersarios, Vtrum absolutio nem accipere, pars sit poenitentiae nec ne? Quod si a confessione separant, ut sunt subtile in distinguendo, nō uidemus quid proficit confessio sine absolutione. Si autem non separant a confessione acceptione absolutionis, necesse est eos sentire, q̄ fides sit pars poenitentiae, quia absolutio non accipitur nisi fide. Quod autem absolutio non accipiatur nisi fide, ex Paulo probari potest, qui docet Roma. 4. q̄ promissio non possit accipi, nisi fide. Absolutio autem est promissio remissionis peccatorum. Igitur necessario requirit fidem. Nec uidemus, quomodo dicatur is accipere absoluti onem, qui non assentitur ei. Et quid aliud est non assentiri absolu tioni, quam deum accusare mendacij, si cor dubitet, sentit incerta & inania esse quae promittit deus. Ideo 1. Ioan. 5. scriptum est. Qui non credit deo, mendacem facit eum, quia non credit in testimo nium, quod testificatus est deus de filio suo.

Roma. 9. 1. 10. 5.

Secundo fateri aduersarios existimamus remissionem peccato rum poenitentiae, seu partem, seu finem, seu, ut ipsorum more lo quamur, terminum esse ad quem. Ergo id quo accipitur remissio peccatorum, recte additur partibus poenitentiae. Certissimum est autem, etiam si omnes portae inferorum reclament, remissionem peccatorum non posse accipi, nisi sola fide quae credit peccata remitti propter Christum, iuxta illud Roma. 3. Quem proposuit deus propitiatorem per fidem, in sanguine ipsius. Item Roma. quinto, per quem accessum habemus per fidem in gratiam &c. Nam conscientia territa nō potest opponere irae dei, opera nostra aut dilectionem nostrā, sed ita demum sit pacata, cum apprehensio

T

DE POENITENTIA.

Acto. 10.

dit mediatorem Christum, & credit promissionibus propter illa donatis. Non enim intelligunt quid sit remissio peccatorum, aut quomodo nobis contingat, qui somniant corda pacata fieri, sine fide in Christum. Petrus citat ex Esaia, Qui crediderit in eum, non confundetur, Necesse est igitur confundi hypocritas, confidentes se accipere remissionem peccatorum propter sua opera, non propter Christum. Et Petrus ait in Actis cap. 10. Huic omnes Prophetæ testimonium perhibent, remissionem peccatorum accipere per nomen eius, omnes qui credunt in eum. Non potuit dici magis dilucide, q̄d quod ait per nomē eius. Et addit, Omnes qui credunt in eum. Tantum igitur ita accipimus remissionem peccatorum, per nomen Christi, hoc est, propter Christum, non propter illa nostra merita atq; opera. Et hoc ita sit, cum credimus nobis remitti peccata propter Christum. Aduersarij nostri uociferantur se esse ecclesiam, se consensum ecclesiæ sequi. At Petrus hic in nostra causa etiam allegat consensum ecclesiæ, huic inquit omnes Prophetæ perhibent testimonium, remissionem peccatorum accipere per nomen eius &c. Profecto consensus Prophetarum iudicandus est universalis ecclesiæ consensus esse. Nec Papæ, nec ecclesiæ concedimus potestatem decernendi contra hunc consensum Prophetarū. At Bulla Leonis aperte dānat hūc articulū de remissione peccatorum, damnant & aduersarij in confutatione. Quia ex re appetet, qualis sit ecclesia iudicanda istorum, qui non solum decretis improbant hanc sententiam, q̄ remissionem peccatorum consequamur fide, non propter opera nostra, sed propter Christum, sed etiam iubent eam uiac ferro abolere. Iubent omnī genere crudelitatis perdere uiros bonos qui sic sentiunt. Sed habent magni nominis autores, Scotum, Gabrielem, & similes, dicit Patrum quæ in Decretis truncata citantur. Certe si numeranda sunt testimonia, uiincūt. Est enim maxima turba nugacissimorum scriptorum in sententias, qui tanquam coniurati defendunt illa figmēta de merito attritionis & operum, & cetera quæ supra

recitauimus. Sed ne quis multitudine moueatur, non magna au-
toritas est in testimonij posteriorum, qui non genuerunt sua scri-
pta, sed tantum compilatis superioribus, transfuderunt illas op-
niones ex alijs libris in alios. Nihil iudicij adhibuerunt, sed ut pe-
danei senatores taciti comprobaverunt superiorum errores non in
tellectos. Nos igitur hanc Petri uocem non dubitemus oppone-
nere, quamlibet multis legionibus Sententiariorum, quae allegat
consensum Prophetarum. Et accedit testimonium spiritus san-
cti ad hanc concionem Petri. Sic enim ait textus. Adhuc loquen-
te Petro uerba haec, Cecidit spiritus sanctus super omnes qui audi-
ebant uerbum. Sciant igitur piæ conscientie, hoc esse mandatum
dei, ut credant sibi gratis ignosci propter Christum, non propter
opera nostra. Et hoc mandato dei sustentent se aduersus desperati-
onem, & aduersus terrores peccati & mortis. Et hanc sententiam
sciant a principio mundi in ecclesia extitisse apud sanctos. Petrus
enim clare allegat consensum Prophetarum, & apostolorum scripta
testantur eos idem sentire. Nec defunt Patrum testimonia. Nam
Bernardus idem dicit uerbis minime obscuris. Necesse est enim Bernardus
primo omnium credere, quod remissionem peccatorum habere non
possis, nisi per indulgentiam dei, sed adde adhuc, ut credas et hoc,
quod per ipsum peccata tibi donantur. Hoc est testimonium, quod
perhibet spiritus sanctus in corde tuo dicēs, Dimissa sunt tibi pec-
cata tua. Sic enim arbitratur Apostolus gratis iustificari hominem
per fidem. Haec Bernardi uerba mirifice illustrant causam nostram,
quia non solū requirit ut in genere credamus peccata remitti per
misericordiam, sed iubet addere specialem fidem, qua credamus
& nobis ipsis remitti peccata. Et docet quomodo certi reddamur
de remissione peccatorum, uidelicet cum fide corda eriguntur, &
fiunt tranquilla per spiritum sanctum. Quid requirunt amplius
aduersarij: Num adhuc audient negare fide nos consequi remissio-
nem peccatorum: aut fidem partem esse poenitentiae?

Tertio. Aduersarij dicunt peccatum ita remitti, quia attritus

T 2

DE POENITENTIA.

Seu contritus elicit actum dilectionis dei, propter hunc actū mere-
tur accipere remissionē peccatorū. Hoc nihil est nisi legem doces-
re, deleto euangelio, & abolita promissione de Christo. Tantum
enim requirunt legem & nostra opera, quia lex exigit dilectionē.
Præterea docent confidere, q̄ remissionem peccatorum cōsequa-
mur propter contritionē & dilectionē. Hoc quid est aliud nisi col-
locare fiduciā in nostra opera, non in uerbū & promissione dei de
Christo. Quod si lex satis est ad consequendam remissionem pec-
catorum, quid opus est euangelio, quid opus est Christo, si pro-
pter nostrum opus consequimur remissionem peccatorum? Nos
contra a lege ad euangelium reuocamus conscientias, & a fiducia
propriorum operū, ad fiduciam promissionis & Christi, quia euā-
gelium exhibet nobis Christum, & promittit gratis remissionem
peccatorum propter Christum. Hac promissione iubet nos confi-
dere, q̄ propter Christum reconciliemur patri, nō propter nostrā
contritionem aut dilectionem. Non enim alius est mediator aut
propitiator nisi Christus. Nec legem facere possumus, nisi prius
per Christum reconciliati simus. Et si quid faceremus, tamen sen-
tiendū est, q̄ non propter illa opera, sed propter Christum me-
diatorem & propitiatorem consequimur remissionem peccato-
rum. Imo contumelia Christi, & euangeli abrogatio est, sentire
q̄ remissionem peccatorum propter legem aut aliter consequa-
mūr, quam fide in Christum. Et hanc rationē supra tractauimus
de iustificatione, cum diximus, quare profiteamur homines fide
iustificari non dilectione. Itaq̄ doctrina aduersariorum cū docēt
homines propter contritionē & dilectionē cōsequi remissionem
peccatorum, & confidere hac contritione & dilectione, tantum
est doctrina legis & quidem non intellectae, sicut Iudæi in uelata
Moyſi faciem intuebantur. Fingamus enim adesse dilectionē, fin-
gamus adesse opera, tamen neq; dilectio, neq; opera possunt esse
propitiatio pro peccato. Ac ne possunt quidem opponi iræ & iu-
dicio dei, iuxta illud: Non intrabis in iudicium cum seruo tuo,

quia non iustificabitur in conspectu tuo omnis uiuēs. Nec debet honos Christi transferri, in nostra opera.

Propter has causas contendit Paulus, q̄ non iustificemur ex lege, & opponit legi promissionem remissionis peccatorum, quæ propter Christum donatur, ac docet nos gratis propter Christū fide accipere remissionem peccatorum. Ad hanc promissionem reuocat nos Paulus a lege. In hanc promissionem iubet intueri, quæ certe irrita erit, si prius lege iustificamur, quam per promissionem, aut si propter nostram iustitiam consequimur remissionē peccatorum. At constat, q̄ ideo nobis data est promissio, ideo exhibitus est Christus, quia legem non possumus facere. Quare ne cesset prius nos promissione reconciliari quam legem facimus. Promissio autem tantum fide accipitur. Igitur necesse est contristos apprehendere fide promissionem remissionis peccatorum donatae propter Christum, ac statuere q̄ gratis propter Christū habebant placatum Patrem. Hæc est sententia Pauli ad Roma. quarto, ubi inquit. Ideo ex fide, ut secundum gratiā firmā sit promissio. Et ad Galatas. 3. Cōclusit scriptura omnia sub peccatum, ut promissio ex fide Iesu Christi detur credentibus. Id est, omnes sunt sub peccato, nec possunt aliter liberari, nisi fide apprehēdant promissionem remissionis peccatorum. Prius igitur oportet nos fide accipere remissionem peccatorum, quam legem facimus, & si, ut supra dictum est, fidem dilectio sequitur, quia renati spiritum sanctum accipiunt, ideo legem facere incipiunt. Citaremus plura testimonia, nisi obuiā essent cuilibet pio lectori in scripturis. Et nos non nimis prolīxi esse cupimus, ut facilius hæc causa perspici possit. Nec uero dubium est, quin hæc sit sententia Pauli, quam defendimus, q̄ fide accipiamus remissionē peccatorum propter Christum, q̄ fide mediatorem Christum opponere debeamus irę Dei, non opera nostra. Nec perturbētur pia mētes, etiam si Pauli sententias calumniantur aduersarij, Nihil tam simpliciter dicitur, quod non queat depravari cauillando. Nos scimus hāc, quā

T 3.

Roma. 2.
Galat. 3.

D E P O E N T E N T I A.

diximus, ueram & germanam sententiam Pauli esse, scimus hanc nostram sententiam pijs conscientijs firmā consolationem afferre, sine qua nemo consistere in iudicio Dei queat. Itaq; repudientur illæ Pharisaicæ opiniones aduersiorum, q; non accipiamus fide remissionem peccatorum, sed q; oporteat mereri dilectione nostra & operibus, q; dilectionem nostram & opera nostra, iræ Dei opponere debeamus. Hæc doctrina legis est, non Euangeliū, quæ singit prius hominem lege iustificari, quam per Christum reconciliatus sit deo, cum Christus dicat, Sine me nihil potestis facere. Item, Ego sum uiris uera, uos palmites. Verum aduersarij singūt nos esse palmites, non Christi, sed Moysi. Prius enim uolunt lege iustificari, dilectionē suā & opera offerre deo, quā reconciliatur Deo per Christum, quam sint palmites Christi. Paulus contra contendit legem nō posse fieri sine Christo. Ideo promissio prius accipienda est, ut fide reconciliemur Deo, propter Christum, quā legem facimus. Hæc satis perspicua esse pijs cōscientijs existimamus. Et hinc intelligent, Cur supra professi simus iustificari homines fide, non dilectione, quia oportet nos opponere iræ Dei, non nostram dilectionem, aut opera, aut cōsidere nostra dilectione ac operibus, sed Christum mediatorem. Et prius oportet apprehendere promissionem remissionis peccatorum, quam legem facimus.

Postremo, quando erit pacata conscientia, Si ideo accipimus remissionem peccatorū, quia nos diligimus, aut legem facimus? Semper enim accusabit nos lex, quia nunquam legi Dei satisfacimus, Sicut inquit Paulus. Lex iram operatur. Chrysostomus querit de poenitentia, unde certi reddamur, peccata nobis remissa esse. Quærunt & in sententijs eadem de re aduersarij. Hoc non potest explicari, non possunt conscientiae reddi tranquillæ, nisi sciant mandatum Dei esse, & ipsum Euāgeliū, ut certo statuant propter Christum gratis remitti peccata, nec dubitent sibi remitti. Si quis dubitat, is, ut Iohānes ait, accusat promissionem diuinā

Chrysostomus

mendacij. Hanc certitudinem fidei nos docemus requiri in Euā, gelio. Aduersarij relinquent conscientias incertas & ambigētes. Nihil autem agunt conscientiae ex fide, cum perpetuo dubitant, utrum habeant remissionem. Quomodo possunt in hac dubitatione inuocare Deum: quomodo possunt statuere, q̄ exaudiantur? Ita tota uita est sine deo, & sine uero cultu dei. Hoc est quod Paulus inquit, peccatum esse quidquid non fit ex fide. Et quia in hac dubitatione perpetuo uersantur, nūquam experientur quid sit fides, Ita fit ut ad extremum ruant in desperationem. Talis est doctrina aduersariorum, doctrina legis, abrogatio Euangelij, doctrina desperationis. Nunc libenter omnibus bonis uiris permittimus iudicium de hoc loco pœnitentiae, nihil enim habet obscuri, ut pronuncient, utri magis pia & salubria conscientijs docuerint, nos, an aduersarij. Profecto non delectant nos hæ dissensiones in Ecclesia, quare nisi magnas & necessarias causas habemus dissentendi ab aduersarijs, summa uolūtate taceremus. Nūc cum ipsis manifestam ueritatem damnent, nō est integrum nobis deferere causam, non nostram, sed Christi & Ecclesiae.

Diximus quas ob causas posuerimus has duas partes pœnitentiae contritionem & fidem. Idq̄ hoc fecimus libentius, quia circumferuntur multa dicta de pœnitentia quæ truncata citantur ex Patribus, quæ ad obscurandam fidem detorserunt aduersarij. Talia sunt, Pœnitentia est mala præterita plāgere, & plangēs. *Pœnitentia est* da iterum non committere. Item, Pœnitentia est quædā dolētis uindicta, puniens in se quod dolet se commisisse. In his dictis nulla sit mentio fidei, Ac ne in scholis quidem, cum interpretantur, aliquid de fide additur. Quare nos eam, ut magis conspicī doctrina fidei posset, inter partes pœnitentiae numerauimus. Nam illa dicta, quæ contritionem aut bona opera requirunt, & nullam fideli iustificantis mentionem faciunt, periculosa esse, res ipsa ostēdit. Et merito desiderari prudentia in istis potest, qui centones illos sententiarum & decretorum congefferunt, Nam cum Pa-

DE POENITENTIA.

Tertullianus

tres alias de alia parte poenitentiae loquantur, non tantum de una parte, sed de utraque, hoc est, de contritione & fide, excerpere & coniungere sententias profuisset. Nam Tertullianus egregie de fide loquitur, amplificans iusurandum illud apud Prophetam, Viuo ego, dicit Dominus, nolo mortem peccatoris, sed ut conuertatur & uiuat. Quia enim iurat Deus, nolle se mortem peccatoris, ostendit requiri fidem, ut iuranti credamus, & certo statuamus eum nobis ignoscere. Magna debet esse autoritas apud nos promissionum diuinarum per se. At haec promissio etiam iureiurando confirmata est. Quare si quis non statuit sibi ignosci, is negat Deum uerum iurasse, qua blasphemia atrocior nulla excogitari potest. Sic enim ait Tertullianus, Inuitat premio salutem, iurans etiam, Viuo dicens, cupit sibi credi. O beatos quorum causa iurat Deus. O miserrimos, si nec iuranti Domino credimus. Atque hic sciendum est, quod haec fides beat sentire, quod gratis nobis ignoscat Deus propter Christum, propter suam promissionem, non propter nostra opera, contritionem, confessionem, satisfactionem aut dilectionem. Nam si fides nitatur his operibus, statim fit incerta, quia conscientia pauida uidet haec opera indigna esse. Ideo praeclare ait Ambrosius de poenitentia. Ergo & agendum poenitentiam, & tribuendam ueniam credere nos conuenit, ut ueniam tamquam ex fide speremus, tanquam ex syngrapha fides impetrat. Item fides est quae peccata nostra cooperit. Extant itaque sententiae apud Patres, non solum de contritione & operibus, sed etiam de fide. Verum aduersarij, cum neque naturam poenitentiae intelligent, neque sermonem Patrum, excerpunt dicta de parte poenitentiae, uidelicet de operibus, Alibi dicta de fide, cum non intelligunt, pretereunt.

DE CONFESSIONE ET
SATISFACTIONE.

Boni